

陶雲汀先生奏疏

奏摺卷四目錄

撫皖稿

安化陶澍

補授安徽巡撫謝

恩摺子

覆奏查緝豫省餘匪摺子

核正安徽各州縣衛冊報存庫銀兩摺子

覈辦皖省官墊民欠摺子

附片一件

籌撥兵糧借動倉穀摺子

清查皖省倉庫虧缺確數酌議追補章程摺子

附片一件

截留暹羅國使臣通事購買內地幼稚子女捐
子

恭報起程抽查鳳泗等屬春賑催辦捺工查閱
營伍日期摺子

恭謝

欽頒

御諭摺子

保奏知縣拏獲鄰境積盜摺子附片一件

補授安徽巡撫謝

恩摺子

奏爲恭謝

天恩仰祈

聖鑒事竊

臣於正月十四日由撫

臣孫爾準行知接

准部咨內開道光三年正月初三日奉

上諭葉世倬年力衰邁著以原品休致孫爾準著調
補福建巡撫陶澍著補授安徽巡撫徐承恩著補
授安徽布政使欽此

臣

跪讀之下感悚交增謹卽

恭設香案望

闕叩謝

天恩伏念臣樗櫟庸材由道員首被

恩綸擢授山西臬司調任福建未及到任旋擢安徽布政使莅任以來甫逾一載兢兢釐剔寸效毫無逮蒙

皇上簡畀封疆重任

鴻施迭被實夢想所弗期駕鈍滋慚豈捐糜之能報
查安徽地方水陸交衝俗兼吳楚大江以南人文稱盛而刁狡亦多江北各屬民情尙質而獷悍難免鳳泗一帶時有湖河之患賴毫諸處交

錯豫境紅鬪捻匪出沒其間加以錢糧糾轉正
在清釐一切民風吏治河務兵防均須整飭臣
知識矚昧深懼弗克勝任惟有勉矢愚誠倍加
策勵以冀稍酬

聖主特達之知再

臣初肩鉅任亟應趨叩

丹墀籲求

訓誨庶幾獲有遵循惟現辦春賑塗工兼清查緊要
之際刻須督辦且一時藩臬俱係署事臣應俟
新任藩司徐承恩到皖將巡撫印務暫令護理
卽當星馳北上恭覲

天顏跪聆

聖訓所有 微臣 感激下忱謹繕摺恭謝

天恩伏祈

皇上聖鑒謹

奏

道光三年正月十七日拜發二月十八日奉到
硃批著於本年十二月封印後來京陛見欽此

覆奏查緝豫省餘匪摺子

奏爲遵

旨選派員弁嚴密掩捕豫省餘匪恭摺覆

奏仰祈

聖鑒事竊

臣

正月十八日接准軍機大臣字寄道光

三年正月初九日奉

上諭前據程祖洛奏虞城縣屬南元村地方有外來
匪徒盧照常廉方成等滋事經該縣會營掩捕當
將盧照常等殲斃並起出紙人刀鎗等件訊據廉
方成之母廉孫氏供稱該犯等籍隸東省曹單等

縣當降旨令楊健嚴密查拏嗣據奏緝獲匪黨邵大進等多名解赴豫省交程祖洛歸案審辦茲據孫玉庭奏探明虞城縣審訊張金書李根等供稱本年七月盧照常起意與廉方成邵大進及該犯等商量滋事置備黃旗刀鎗等物約有三四十人定於上年十一月二十一日會齊卽被兵役將盧照常廉方成殲除餘黨俱已逃竄等語與程祖洛楊健先後奏報相同匪黨傳徒勾結潛圖滋事自應嚴究夥匪以淨根株江蘇徐州所屬之豐縣碭山安徽潁州所屬之阜陽亳州等處均與豫省連

界現在首逆雖已伏誅逸犯尙未全獲若此拏彼竄誠恐日久稽誅著孫玉庭韓文綺陶澍各選派員弁帶同勇幹兵役無分畛域嚴密掩捕如有竄入未獲之犯卽行按名擒拏固不可稍涉張皇致滋擾累亦不可稍有懈弛致匪黨潛匿漏網也將此各諭令知之欽此伏查此案於上年十二月內接據鳳陽潁州文武稟報卽經前撫臣孫爾準臣偕臣密商派委員弁前赴皖豫交界分路偵緝一面飛移兩江督臣暨徐壽二鎮一體查辦旋據委員及各府州縣探得首逆就殲及地方救

謐情形於正月初十日附摺具

奏在案茲臣欽奉

諭旨遵復遴派署鳳穎同知傅懷江臣標千總戴廷
先前前往阜陽穎州府同知恒山前往亳州候補
知州劉用錫前往宿州同前委員弁在於各路
會同地方文武不動聲色逐細訪查如有匪徒
竄入卽行會拏究辦勿使一名漏網再臣查盧
照常等滋事在南元村之張家樓其地北距虞
城縣治十八里東南距陳家店集半里爲赴山
東單曹二縣大路北距該二縣均止數十里西

南距亳州一百二十里中隔商邱地面七十餘里與阜陽亳州均非緊接惟查豫省與潁亳交界地方向有匪徒出沒此拏彼竄刻須防範兼聞盧照常等滋事後該處居民多有逃散遷去之家是否懼累潛逃抑或有教匪在內均未可定必須與河南山東江蘇等省彼此知會隨時隨地嚴密訪查掩捕臣固不敢徒事張皇亦斷不敢稍涉大意總期嚴究黨羽淨絕根株以仰

副

聖主除莠安良之至意所有

臣

接奉

諭旨派委員弁訪拏匪犯並地方現在靖謐情形合
先恭摺覆

奏仰慰

宸廩伏祈

皇上聖鑒謹

奏

道光三年二月初一日拜發三月初六日奉到
硃批不可因地方靖謐稍形疎懈隨時仍當察訪斷
不許養奸貽患誌之欽此

核正安徽各州縣衛冊報存庫銀兩摺子

奏爲遵

旨查明安徽省各州縣衛交代冊報存庫銀兩內有
續經提解報撥並已歸清查案內核辦及冊單
銀數互異之處據實分別釐正辦理緣由恭摺
具

奏仰祈

聖鑒事竊照上年接准部咨欽奉

上諭戶部奏請飭催各省州縣徵存未解銀兩開單
呈覽內江蘇省未解銀一百八十六萬六千六百

七十三兩零安徽省未解銀三百五十四萬三千
三百一十四兩零直省州縣徵存銀兩自應隨時
報撥該二省自上次查催後迄今七年之久尙有
歷任未解銀兩且有乾隆年間徵存未解之款疲
玩已極魏元煜孫爾準俱到任未久無所用其迴
護卽督同藩司迅速查辦勒限嚴催儘數提解司
庫報部備撥將報解遲延及督催不力各職名送
部分別核議如各州縣內查有虧缺挪移情弊卽
著據實叅辦欽此經前撫臣孫爾準行司查辦臣

伏思各州縣衛經徵錢糧既於交代案內報明

存庫何以久延未解積至三百五十餘萬之多
其中顯有舛錯並難免虧缺挪移情弊自宜趁
此澈底清查之際據實根究辦理當卽查照部
提各任銀款與原報交代冊核對除各州縣已
經續解報撥並應行支銷等項外其餘多係已
入歷次清查之款並非實在存庫之項推原其
故蓋從前清查虧數係奉

旨密陳之件並不咨明戶部至五次清查時始行報
部亦未開列細款各屬交代因清查款目未經
到部不得不將虧抵銀數仍列存庫造報以符

部中原案在彼時原冀陸續彌補迨歷久愈滋糾轉名爲存庫而實無銀可解此交代與清查兩案登報歧異之實在原委也此現在所以必須澈底清查也臣思此項存庫銀兩旣已多非實貯則冊報原數恐亦難免舛誤自應一體查明更正以歸核實當經調集各該州縣衛歷任交代底冊卷宗並開報歷次清查各案據按年按款叅互勾稽復查有建平縣原報冊內列存嘉慶十八九兩年丁地正耗銀一千三百五十七兩零係因前令韓寶鍔交代虧短業經

奏明叅革查抄現在勒限監追又望江縣原冊列存十二年併十四十五十六十七十八二十等年丁地魚課蘆課正耗銀三千三百八十五兩零又亳州原冊列存十二年丁地正銀二百四十五兩零共銀三千六百三十兩零查核各款該州縣均有存司銀兩可以劃收清款而冊報尙列存庫應行分別釐正剔除以昭覈實臣於蒙

恩擢任巡撫之際移交署藩司惠顯再細確查核辦茲據該署司督同局員查明各州縣衛交代存

庫分任分款造冊呈送前來臣覆加酌核查得
安徽省奉部行提定遠等六十二州縣衛各交
代存庫銀兩按照原單統計共銀三百五十四
萬三千三百一十四兩零核對該州縣衛等原
報交代款冊數目稍有參差自因各屬交卸月
日先後不齊截數未能畫一之故統計實應存
庫銀三百四十九萬三百九十六兩零內查有
該州縣衛等例應支銷並已批解糧道及陸續
提解司庫先後報撥共銀四十五萬六千一百
五十九兩零應於存數扣除又歷年歷任各員

虧短抵缺已報入歷次清查銀三百一萬九千四百六十五兩零又叅革建平韓令虧短現在監追銀一千三百五十七兩零此二款銀兩俱應於存庫數內扣出各歸各案查辦又望江毫州有解存司庫應行劃款銀三千六百三十兩零此款銀兩應卽劃收報撥計實在存庫銀九千七百八十五兩零臣現飭藩司趕緊嚴提解司報部備撥母許玩延惟查州縣交代例重盤查其前任之有無虧短俱以後任造報款冊爲憑豈容稍涉隱混今核各屬從前交冊率將已

報虧缺之款仍列存庫開造雖因清查款目未經報部所致第同是一款而分登歧異殊非核實辦公之道現已澈底查明自應分別釐正應請嗣後各州縣衛交代倉庫正雜等項銀錢穀米麥豆各款凡在嘉慶二十五年以前者俱以現在清查核定數目爲準其從前報部數目參差之處均各一體釐正開造於各本款下詳細登明至道光元年以後一切正雜錢糧嚴飭該管道府州督令隨徵隨解不准絲毫存留屬庫交代冊內亦不准開列存庫庶辦理核實不致

仍有隱混虧挪之弊所有現在宣城等縣交代各冊前因清查尙未定案致稽造報臣已飭令

遵照趕緊覈實查造合併陳明謹將查明各州縣衛交代冊報存庫銀兩分別釐正核實辦理緣由繕具清單恭摺具

奏仰祈

皇上聖鑒訓示遵行謹

奏

道光三年三月十二日具

奏四月十四日奉到

硃批另有旨欽此並准

軍機大臣 字寄

安徽巡撫陶道光三年三月二十九日奉

上諭陶澍奏安徽省各州縣蔚交代冊報存庫銀兩
分別釐正一摺安徽省徽存銀兩延不報解前經
諭令該撫藩等迅速查辦勒限嚴催茲據陶澍逐
細確核奏稱從前清查虧數至五次清查時始行
報部因未開列細款各屬交代輒將虧抵銀數仍
列存庫造報日久愈滋糾轉名爲存庫而無銀可
解現在分任分款釐正剔除所有該省定遠等六

十二州縣衛統計實應存庫銀三百四十九萬三百餘兩除例應支銷並已批解提解報撥及歷任虧短已入清查款內又建平縣虧缺望江亳州解存司庫等項剗扣外實在存庫銀九千七百餘兩該撫務督飭藩司趕緊提解報部備撥毋任再有延玩嗣後各州縣衛交代倉庫正雜各款其在嘉慶二十五年以前總以現在清查核定數目爲準將前此報部參差之處一體更正開造至道光元年以後著該撫嚴飭該管各官督令隨徵隨解不准絲毫存留屬庫交代冊內亦不准開列存庫以

杜虧挪而昭覈實將此諭令知之欽此

覈辦皖省官墊民欠摺子

附片 一件

奏爲遵

旨覈實查明皖省官墊民欠各案據應請分別辦理
恭摺覆

奏仰祈

聖鑒事竊照安徽墊完民欠錢漕一案臣在藩司任內詳經前撫臣孫爾準奏請遵照

恩詔代賠條例概予豁免嗣准部咨奏奉

諭旨戶部議駁安徽省官墊民欠銀兩不應援案請豁各直省應行豁免款項俱當定以案據年月限

制核實稽查方免輾轉捏報之弊此次安徽省墊完民欠從前並未奏明有案若概予豁免恐各省紛紛奏請必致不肖州縣心存冀倖任意侵挪不可不防其漸所有該省墊完民欠銀四十一萬餘兩係該撫孫爾準藩司陶澍未經到任以前之事無所用其迴護著該撫督同藩司核實查明分別立限嚴追如經手各員仍藉詞懸宕卽據實查叅以重庫項欽此當經前撫臣孫爾準欽遵行司臣

復督飭清查局逐細詳核各案據分別立限嚴追茲據署藩司惠顯詳稱原報各州縣墊完銀

四十一萬三百七十四兩零穀米二萬二百六
十九石零吊齊冊卷逐加稽核內有交代案內
作抵欠解捐款銀九千四百三十三兩零米四
十五石零並非挪動庫款應行剔除計實動墊
庫項銀四十萬九百四十一兩零穀米二萬二
百二十四石零內現在安省服官並候補者計
十七員共墊完銀六萬八百六十五兩零米一
千一百三石零業已陞調外省者計九員共墊
完銀六千三百七十九兩米四千九百四十七
石零告病降革遣戍回籍者計四十八員共墊

完銀一十五萬四千七兩零米九千六百八十
石其人已故及結報家產者計五十員共墊完
銀一十二萬二千九百五十四兩零穀米四千
四百九十四石零寧國旌德太平三縣奉文墊
辦漕糧者一十員共墊完銀五萬六千七百三
十六兩零均係詳報有案委無事後捏報情弊
分別員名銀數開冊具詳前來臣伏查此項墊
完銀兩本係實欠在民理應催徵歸款乃因民
欠奉谿無可徵還以致墊款虛懸經部議責令
賠補嚴追原屬咎所應得惟查安徽省前因連

年被災閭閻元氣未復催輸較難每遇奏銷緊迫不得不先爲挪款墊解徐圖徵還歸款雖自顧考成究因民力拮据不忍苛逼追呼所致較之別項挪移衡情尙覺可原且寧國旌德太平三縣漕糧因其不通水道

奏明民折官辦每年冬底先令該三縣於蕪湖買米兌運按照時價由府轉詳藩司核定數目給示啓徵至次年始能徵收而漕米例須冬兌冬開其勢更不能不出於墊辦是以歷係由司借款先墊並非擅自挪用細繹部議若不定以案

據年月限制則輒轉捏報無難以後任虧短歸併前任等因此誠防微杜漸之道設或墊完之項但憑州縣開報並無案據誠難保無弊混情事今細查原墊銀內有自嘉慶元年起至十九年止共銀二十三萬九千餘兩穀米一萬一百三十八石零已據報入二三四五歷次清查原奏抵款數內其二十年起至二十二年止共銀十六萬一千九百四十兩零米一萬一百三十一石據各屬於二十四年查辦豁免積欠案內造冊詳報並將墊完串票申送道府查對節經各

前藩司冀冊具詳請

奏因各前撫臣恐有捏混批飭藩司移行本管道府覆查取結致稽時日先後均有案據實無捏報情弊伏思各屬墊解情形既有不同辦理宜有分別查原准部議豁免條款凡其人已故及結報家產者無論侵挪概予豁免是病故及結報家產各員本在應免之列又寧旌太三縣係奏明民折官辦次年徵還年復一年致成積欠尤與各屬墊辦情形不同合無仰懇

皇上天恩一體准予豁免其餘各員應遵

旨勒限追賠惟究係實欠在民代墊賠累之款與別項挪墊有間若操之過急誠恐有挹彼注茲之虞自應酌寬限期使完補均歸實在應請將數在一千兩以內者限一年完繳其一千兩以上至五千兩限四年五千兩以上至三萬兩者統限八年全完如清查案內本有虧欠應追之員俟虧項追完之日卽行起限接追其離安人員咨明旗籍一律照辦在皖各員以奉到

諭旨之日起限離省各員以接准皖省咨文之日起限逾限不完照例叅辦庶挪墊者知所懲儆而

帑項亦不致虛懸矣合將應追應免員名銀數謹
繕清單恭呈

御覽伏乞

皇上聖鑒訓示遵行謹

奏

道光三年三月十二日具

奏四月十四日奉到

硃批戶部查核具奏欽此

再墊解一事經此次分別追賠之後各州縣自
知儆畏不致再有挪墊惟寧國太平旌德三縣

因不通水道例由民折官辦該縣先於甲年買米墊解乙年徵還與各屬情形不同卽將來亦不能不照舊墊辦若預徵米價又於民情未順且價值長落亦難懸定辦理殊多窒礙臣查該三縣漕糧本屬無多莫如改徵折色歸入丁地併徵實爲官民兩便容臣確察情形再行奏請辦理謹附片

聞

道光三年三月十二日拜發四月十四日奉到

硃批知道了欽此六月初六日准

戶部咨道光三年五月初七日具奏同日奉
旨戶部奏安徽省官墊民欠錢漕一摺著照所議將
該撫單開蘇景眉等十員前在旌德等縣任內應
賠銀五萬六千七百三十六兩俱免其著追其已
故結報家產淨盡之張秉機等四員應賠銀一萬
三千三百八十八兩零米三百三十石零著照例
准其豁免未經結報各員著再行查明報部覈結
所有現任候補告病降革遣戍各員墊完之款著
該撫督同藩司迅速分咨各旗籍任所戍所嚴行

催追務令如限清完毋得再有懸宕至該撫此次開列各員應賠銀數並未將從前墊用何款確切指明著該撫詳查將報部之款先行歸清造冊送部其未報之款亦卽自行設法歸清不得以無款可歸爲詞另請籌補嗣後各直省徵收錢糧著該督撫嚴飭各該藩司將墊完民欠名目永遠革除以杜流弊欽此

籌撥兵糧借動倉穀摺子

奏爲籌撥緩缺壽右宿州潁州三營兵糧借動緩
漕倉穀以濟兵食仰祈

聖鑒事竊照安徽省鳳陽泗州等府州屬道光二年
秋禾被水成災及勘不成災應徵新舊地漕銀
米經前撫臣孫爾準於情形案內奏奉

諭旨分別蠲緩在案所有壽右營宿州潁州等三營
道光三年分兵米例應動支鳳陽府屬之懷遠
縣及泗州屬之五河縣道光二年額徵漕米乃
該二縣上年被水成災錢糧漕米奉文停緩不

敷支給

臣

於藩司任內查得壽右營不敷兵米

六百八十九石零宿州營兵米一千五百九十六石零

額州營蒙城汎兵米一石八斗共不敷

米二千二百八十七石零計懷遠縣災缺米二

千二百三十三石八斗五河縣災缺米五十四

石查懷遠縣災缺米內曾據該縣詳報未經被

災之先急公花戶預完漕米一百十七石堪敷

坐支壽右營懷遠汎兵米外實緩缺兵米二千

一百十六石零同五河縣緩缺兵米五十四石

均應改撥當經通飭附近州縣將有無徵存緩

漕及常平倉實存穀石查明開報以憑通盤籌
報去後嗣據靈璧縣詳報有徵存道光元年緩
漕米四百三十二石零嘉慶二十三五年緩漕
米五百一十三石零又據定遠縣詳報有徵存
道光元年緩漕米二百六石零計共有緩漕米
一千一百五十餘石當卽飭令借撥宿州營駐
防靈璧汛兵米一百九石零宿州營本汛兵米
八百三十六石零蒙城汛兵米一石八斗壽右
營駐防鳳陽汛兵米二百五石零解赴宿蒙鳳
陽各汛交收仍不敷壽宿二營兵米一千十一

同上
七石零據署藩司惠顯詳稱據各屬將常平實
貯數目開報到司請借撥存穀較多之六安州
常平穀內碾米六百五十石零卽令運赴宿州
營交收又借撥附近之壽州常平穀內碾米三
百一十三石零運赴鳳陽汎交收五河縣災缺
兵米五十四石卽在該縣倉穀碾米借放除移
行遵照趕緊運解照數斛收散放以濟兵食仍
飭取具各營收送司另行照例詳咨外查前准
部咨嗣後各屬遇有借撥災緩兵米均照動用
耗羨之例先期專摺奏明再行動撥等情詳請

具

奏前來

臣

覆核無異除飭藩司分飭運解外其所

借靈璧定遠二縣嘉慶二十三五年及道光元

年緩漕米石以及動碾五河六安壽州常平倉

穀統俟懷遠五河二縣緩徵道光二年分漕米

限滿啓徵之日照數分別運解還款以實倉儲

並於南屯兵馬倉穀各奏銷冊內造報外理合

恭摺具

奏伏乞

皇上聖鑒謹

奏

道光三年三月十二日具

奏四月十四日奉到

硃批知道了欽此

清查倉庫虧缺酌議追補章程摺子

附清單又
片一件

奏爲遵

旨清查安徽省倉庫虧缺完欠各確數酌議追補章程恭請

聖訓事竊照道光元年正月欽奉

諭旨安徽省倉庫錢糧虧數甚多著將舊虧實在數目逐案詳查究其致虧之由或應執法或應著追或應彌補酌定期於何時可以辦理完善不得以一奏塞責等因欽此當經前撫

臣李鴻賓

奏請派員設局查辦在案道光三年二月又接

廷寄奉

上諭據孫爾準奏皖省六次清查除實係捐賠業經造冊咨部核辦外其各員虧缺抵缺各款尙有繆轉款目並隨時追繳應行劃收清款者必須根查底案沿流溯源得其實在致虧之由然後可以酌定追補之法以杜續虧之漸所奏甚是著陶澍再行逐細確查籌定章程核實奏明辦理欽此伏查此案臣於前年冬間蒙

恩簡授安徽藩司

陞見時面承

訓諭輕重緩急相機妥辦跪聆之下敬謹銘心抵任
後卽檢閱舊卷從前五次清查俱以州縣開報
之數入冊定案其開報數內每有前後任糾轉
未清之款並未逐一釐正而開報數外亦未查
其有無欠解別款故多不實不盡歷久愈棼迨
前撫_臣孫爾準莅任經臣時時稟商熟籌扼要
之法因思州縣虧缺或係正雜或係捐賠藩司
衙門俱有檔案可稽先應檢核司案將州縣欠
款截清界限俾欠款得實而虧數自明隨督率
局員將嘉慶二十五年以前凡州縣欠解正雜

錢糧並應捐未解各項無論已入清查未入清
查按地按員按年按款分晰開出以司庫之檔
案核州縣之冊報虛實立見其間有州縣自行
立議攤捐及前後任互相糾轉之款司案所不
能詳者卽調取交代底冊議單欠據層層考核
始得條分縷晰澈底查明凡原報舛錯者悉行
釐正遺漏者悉行補出臣次第核定分造款冊
隨時呈送前撫臣孫爾準覆核將次齊全值前

撫臣調任福建臣蒙

恩擢任巡撫當將款冊移交署藩司惠顯接辦並將

查辦情形備細告知飭令再加稽核茲據該署
司督同局員將各州縣倉庫完欠各數造冊呈
送前來臣覆加確核查得安徽省倉庫兩項自

嘉慶五年九年十四十六至十九年十月止歷
五次清查原報虧抵攤捐共銀五百五十一萬
四千七百四十三兩零穀米麥豆四萬三千四
百三十石零節次追補截至道光元年三月前

撫臣李鴻賓

奏明設局查辦之日止已完銀二百六萬五千三
百二十九兩零又咨交外省查辦銀一百五十

五萬五千一十三兩零穀米麥豆六百三十六石零因其人已離皖省存沒未定應追應免聽各旗籍照依部議條款自行辦理其餘尙有未完銀一百八十九萬四千四百一兩零穀米麥豆四萬二千七百九十四石零內除有款可領應由司劃收銀五萬三千五百二十四兩零又查豁案內已奉准免銀二十二萬二千五百六十九兩零穀米麥豆一千七百石零及准部行查詳經前撫臣孫爾準查明覆

奏請免銀一百四萬九千五百六十二兩零穀米

麥豆一萬五千四百九十三石零又原報列抵

墊完民欠一項併林泰增監追無完銀款應歸

另案追賠銀二十六萬一千五百九十八兩零

穀米麥豆一萬一百三十八石零仍未完銀三

十萬七千一百四十八兩零穀米麥豆一萬五

千四百六十三石零自臣等此次查辦以來復

追完銀二十八萬七千九百五十四兩零穀米

麥豆一萬五千四百六十三石零核實在安各

員仍應追銀一萬九千一百九十四兩零內除

周之桂呈繳房屋作抵銀三千三百九十一兩

實應追銀一萬五千八百三兩零此十九年以前虧缺完欠之確數也今自十九年十月以後至二十五年歲底止除捐賠各款確在二十五年八月二十七日欽奉

恩旨以前核與部議准免條款相符者業經詳明前撫臣孫爾準具

奏請豁外現在查出從前漏報及續經虧抵各款共銀五十七萬六千七百七十七兩零錢一百九十七千零穀米麥豆二萬七千五百九十九石零內覈實查明有款可領者一十七萬二千

五十一兩零有物可變者一萬七千一百八十一兩零又有款可以徵扣歸補者一十萬三千九百四十四兩零穀豆一千六百七石零有款可以追解歸補者六萬八千九兩零錢一百九十七千零穀米麥豆八千七百五十四石零並有因公墊用在此縣爲抵款在彼縣爲捐款應俟查免案內銷款劃還者九萬八千二百五一兩零穀米六千四百一十石零共銀四十五萬九千四百三十六兩零錢一百九十七千零穀米麥豆一萬六千七百七十三石零應飭現

任分別追變領解歸款追變不足著落分賠計
實在十九年以後虧缺倉庫正雜錢糧共銀一
十一萬七千三百四十一兩零穀米麥豆一萬
八百二十六石零併十九年以前應追舊虧未
完銀一萬五千八百三兩零統計嘉慶二十五
年以前虧數共銀一十三萬三千一百四十四
兩零穀米麥豆一萬八百二十六石零此項人
員卽執法嚴辦立予叅革查抄變抵監追治罪
亦屬咎所應得第察其致虧之由多係因公賠
累以及衝途歉區入不敷出輒轉挪墊成虧尙

非侵盜入已合無仰懇

皇上格外

天恩俯予勒限著追請將虧數在一萬兩以上之原任寧國縣計叅知縣蘇景眉等二員五千兩以上之原任定遠縣候補知縣任慮衡等七員三千兩以上之原任六安州潁州府同知恒山等八員一千兩以上之原任霍邱縣降革知縣李寶中等十九員同一千兩以內之原署績溪縣試用通判傅懷江等二十六員一併定限勒追限滿無完查抄變抵監追治罪至現虧之員兼

有舊欠者併數勒追不准另起追限致滋懸宕
伏思追補舊欠必先杜絕新虧杜絕之法亦惟
有嚴交代提存庫減捐款禁流攤數端而扼要
尤以有犯必懲俾後來不致效尤臣在藩司任
內已將州縣捐款分別裁減歸提解三成養廉
案內詳

奏遵行並通飭各屬將私議流攤之款永遠禁革
凡遇交代不許混列存庫濫行接受如績溪縣
清釐交代虧短元年錢糧一經查出立即叅辦
以示懲創總不使屬庫有徵存未解銀款以絕

挪掩之弊至安省歷次清查有議捐節省彌補
津貼半廉等項名目在各前撫臣原爲籌補無
著調劑苦缺起見惟安省缺多瘠苦往往補於

前而虧於後劑於此而缺於彼有名無實徒資
藉口現在舊虧無著並捐賠各款已奉

恩旨查免無須州縣捐賠至實在衝途苦缺辦公賠
累之潛山鳳陽靈璧三處臣已核定津貼銀數

詳經前撫

臣奏奉

諭旨遵行亦可無須再議

臣受

恩深重斷不敢以一奏塞責惟有殫竭血誠極力整

刷務使從前之宿累全清此後之章程悉定清
舊欠卽以杜新虧庶幾錢糧無紊吏治亦可期
澄敘矣臣與督臣孫玉庭往返札商意見相同
謹合詞具

奏並酌擬追補章程查明各員致虧之由繕具清
單恭呈

御覽伏乞

皇上聖鑒訓示謹

奏

謹將安徽省州縣倉庫虧缺酌擬追補章程恭

呈

御覽

一虧數既已查清應立限勒追以重

帑項也皖省此次清查自嘉慶十九年起至二十

五年歲底止凡各州縣挪抵各款並十九年

以前歷次清查未完及漏報之款俱已詳查

案據沿流溯源分晰款數核實登載所有新

虧舊虧自應併計勒追不必再分先後應請

將虧數在一千兩以內者暫免議處勒限一

年全完一千以上至三千者降一級留任勒

限二年全完開復三千兩以上至五千兩者
降二級留任勒限三年全完開復五千兩以
上至一萬有零者革職留任勒限四年全完
開復逾限無完及完不足數革職監追查抄
備抵不足數勒限一年全完免罪如再無
完除本員照例治罪外所有欠項仍照挪移
定例在於從前歷任各上司名下分賠歸款
一追補人員限期應量爲區別也查此次虧缺
銀數尙不甚多追限分作四年亦稍寬展原
以追補須有實濟限期稍寬庶得從容彌補

免使剜肉補瘡又蹈挪移積弊此內有陞任
道府以上者亦有候補試用丁憂告病降革
無缺者情形既有不同追限亦宜區別應請
將陞任道府以上人員照現任限期酌緊一
半候補試用丁憂告病降革無缺人員照現
任限期酌展一半逾限無完照現任章程一
律辦理丁憂病故降革等員如有子孫出仕
係候補及知縣以上者亦照現任定期追如
繳在皖各員以奉

旨之日起限其回籍及陞任各員以接准皖省咨會
之日起限追繳銀兩卽解安歸款

一上司分賠銀兩應一體立限追繳也查州縣
經手錢糧挪移虧缺固咎有應得而該管上
司不能認真稽查致倉庫虛懸亦咎無可辭
故例載分賠所以重考覈也應請將該管上
司賠項查明年月久暫一體立限賠繳數在
五千兩以下者限三年五千兩以上者限四
年一萬兩以上者限五年賠不足數奏明請
旨交部分別辦理

一交抵物件應趕緊勒變歸款也查州縣交代
本不應將什物作抵乃節次清查均有房屋
鋪墊衣物等項作抵此等物件果可移交何
難自行售變是其高擡價值以少抵多顯而
易見臣在藩司任內業已通飭禁止如此後
交代一經查出隨時叅辦外所有此次查出
抵款應照上次定限著落現任之員趕緊變
繳一千兩以下限半年一千兩以上限一年
三千兩以上限二年掃數變價歸款變不足
數著落原抵之員與承變之員各半分賠如

有意延宕全不變繳以致房屋坍塌什物霉
爛者咎在承變之員卽著落獨賠其承變限
內遇有交卸各照在任月日計算分賠勒限
一年完繳逾限無完及完不足數照例叅革
抵缺銀款著落該管道府州賠補

一書役借欠應分別追賠也各州縣書役承辦
案件絢匪解犯一切緊要差使透支工食以
爲盤纏紙飯之用在彼時原擬按季扣還及
至案件繁多借欠日重一經革故逃亡遂成
無著前此五次清查會議革除此次查出仍

有此項抵缺銀款卽嚴叅著賠亦咎所應得
惟其中多有歷次清查漏未查出之款且究
係因公墊給情非得已如概令官賠置原欠
書役於不問轉使奸胥猾吏得計將來更難
整飭應仍照五次清查原辦分別勒追賠補
無論銀數多寡概限二年在原欠書役名下
嚴比追完逾限無完及完不足數照例治罪
一面抄產變抵不足數著落原借之員名
下賠十分之六情追各員名下賠十分之四
如接追限內遇有交卸各照在任月日按數

分賠其應賠之數在五千兩以內者限三年
完繳五千兩以上限四年一萬兩以上限五
年如再逾限無完原借及情追各員一併照
例叅處追不足數之欠項直隸州在於該管
道員名下州縣在於該管府州名下著賠歸
補嗣後地方遇有公事應由州縣自行辦理
各歸各任不許抵交至差役墊完掣串易致
侵蝕尤應嚴禁以除積弊

一倉項宜核實買補也查倉儲原以備緩急之
用如有動缺自應隨時歸還不容延緩但從

前採買係按照州縣缺穀之多寡發價買補
內中派買較多之處卽遇價平之年加以轉
運水腳就每石六錢之例價僅敷市價之半
設穀價昂貴賠貼更多州縣力不能支往往
挪動正雜款項補於倉而缺於庫此亦實在
致虧情形臣思與其多買而不能交有名無
實莫若稍寬時日分作數次買補遇豐稔之
年就各屬情形核定數目發價購買年豐則
穀價自平買少則挽運亦易卽有賠貼在州
縣亦易於爲力庶倉項漸以充實而庫項亦

卷之三十一

不致虧挪矣

一流攤宜禁革也查各州縣流攤如墊修衙署倉廩監獄驛號橋道歲科修理考棚棹櫈緝拏揀匪棍徒設卡巡防及例價不敷各項往往稟求本管府州批准分年流攤或交代之際憑監盤說合立議分攤或以抵款不敷將交項剔出數條歸入攤款或以前攤未交又請展攤以爲延宕之計迨收接之後又視爲攤款無關緊要並不交出陳陳相因愈積愈多此等名爲攤款實卽正項誠致虧之一大

端流攤一日不止積弊一日不除臣自到任以來卽經剴切通飭應請嗣後不准再有流攤名目違者前後任一併嚴叅究追如該管府州批准流攤或經監盤說合私議流攤查出一併叅處

一捐款應嚴提也查捐款名目不一皆係辦公不可少之件從前各州縣捐款爲數甚鉅又有彌補節省津貼等項名目多者數千少者數百各州縣養廉幾何安得而不虧缺臣自到任以來首將此項捐款分別應裁應減核

數在養廉三成以內詳經前撫

臣奏奉

諭旨遵行在案州縣去此大累如釋重負實已無可
藉口惟前所定之數僅敷辦公而止本無餘
剩若提解不前辦公又必掣肘且係

奏定之款未便稍任延宕計各州縣每年捐數僅

在二百兩內外零星批解亦於州縣非宜是

以臣經通飭各屬於批解上忙錢糧時隨同

解司備用如有未清卽於耗羨內劃扣庶得

年清年款公私兩益至酌提羨餘一項溯從

二次清查彌補無著每年各州縣提銀十五

萬兩皖省虧空之愈積愈多實起於此上年
經臣遞減爲一萬兩詳請

奏明辦理專以津貼衝途最苦之潛山鳳陽靈璧
三縣亦係斷不可少之數應按四季提解以
免拖欠

一嚴存庫款目以重交代也查嘉慶二十五年
以前各州縣欠解一切正雜捐款現俱報入
清查已可按冊而稽至道光元年以後各清
各款無許絲粟虧欠第恐考覈不嚴仍蹈虧
挪故轍查從前州縣交代冊內每將前任短

交之款列作存庫造報彼此商同將無作有
積欠愈多遂成虧缺是前任之得以支飾後
任之敢於通融皆存庫二字爲取巧藏拙之
方也臣前在藩司任內卽通飭各屬凡前後
任交代務將現存銀兩悉數批解冊內不准
開列存庫故如績溪縣虧缺元年錢糧立卽
顯露業經照例叅

奏但必須明定章程以垂久遠應請嗣後州縣交
代冊內不准開列存庫如已報入清查者或
虧或抵均於冊內逐一載明倘有應領銀款

作抵交項者亦於冊內明晰登注俾得核實
稽考卽時查辦至於紙張飯食一切無關正
雜額捐之款不得列入交代冊內以免紊雜
一交代案內議單欠票應嚴行禁革也查州縣
交代如果款目清楚何須議立單據倉庫無
虧更無所用其欠票此等名目原係州縣通
融交接之弊此次清查前撫臣李鴻賓因各
州縣開報款冊易致朦混或將本任虧缺捏
報前任是以

奏請調查議單欠票原以鉤稽舊虧之是否確實

並非交代案內應有此名目也今清查已竣
自宜明定章程俾知遵守應請嗣後州縣交
代責成接任之員據實盤收倘再私立議單
欠票徇情接受一經發覺卽將前後任嚴叅
治罪該管道府州及監盤各官一併查叅懲
辦庶通融之弊旣除而續虧自可杜絕矣

道光三年三月十三日具

奏四月十四日奉到

硃批另有旨欽此又章程十條奉

硃批所議十條均係核實辦理亦屬周詳另有諭旨

欽此同日承准軍機大臣
字寄安徽巡撫陶
道光三年三月三十日奉

上諭陶澍奏清查安徽省倉庫虧缺完欠確數酌議
追補章程一摺安徽省倉庫虧缺款目繁多據該
撫查明嘉慶十九年以前除節次追補及豁免外
實應追銀一萬五千八百三兩零十九年以後至
二十五年止有從前漏報及續經虧抵各款共銀
五十七萬六千七百七十七兩零錢一百九十七
千零穀米麥豆二萬七千五百九十九石零所議
追補章程十條朕詳加披閱均係核實辦理亦屬

周詳著照所請虧數在一萬兩以上之蘇景眉等
二員五千兩以上之任慮衡等七員三千兩以上
之恒山等八員一千兩以上之李寶中等十九員
同一千兩以內之傅懷江等二十六員均按限著
追現虧各員兼有舊欠者併數勒追不准另起追
限致滋懸宕其各屬私議流攤之款永遠禁革如
遇交代有混列存庫濫行接受者查出立卽叅辦
以杜新虧該撫此次奏定章程務卽認真核辦實
力整刷毋得稍有瞻徇仍致有名無實也將此諭
令知之欽此

附片一件

再皖省此次清查因歷年既久冊案紛繁經前
撫臣李鴻賓遴派熟諳款項之試用知縣劉廷
槐涇縣典史沈駢設局勾稽並委原任安慶府
知府申瑤督率辦理

奏明

聖鑒在案嗣劉廷槐奉到補缺部覆飭赴潁上新任
復添派候補知縣陳彥孔昭顯幫同查辦該員
等實心實力不避嫌怨使多年糾轉未清之款
得以分晰查明除陳彥孔昭顯二員補缺在卽

不敢仰邀敘錄外查原任安慶府知府申瑤係
緣事降調奉

旨降三級調用例應赴部之員經前撫臣

奏留在局兩年久稽赴選該員端方素著督率認
真可否仰懇

皇上天恩俯准以所降應補之班

勅部儘先選用又涇縣典史沈驛專司考覈不辭勞
瘁尤爲出力該員本係俸滿保舉應陞之員可
否以縣丞主簿陞補俾微末之員得資鼓勵理
合附片具

奏請

旨

奉

硃批另有旨欽此道光三年三月三十日內閣奉上諭陶澍奏辦理清查之降調知府及典史請旨鼓勵等語安徽此次清查該員等實心辦理將多年轉轉未清之款分晰查明原任安慶府知府申瑤前經緣事降三級調用例應赴部候選著加恩以所降應補之班儘先選用涇縣典史沈駢係保舉應陞之員加恩著以縣丞陞補該部知道欽此

截留暹羅國使臣通事購買內地幼稚子女摺

子

奏爲

奏

硃批

聞事竊照暹羅國使前月二十五日由徐州境入安

徽界經

臣

節飭沿途文武員弁妥爲照料一路

行走安靜惟據廬州府宋潢及鳳陽府程懷璟

臣

並委員張連山桐城縣廖大聞等先後稟稱該

使臣通事等入境時攜有幼稚子女詢係前途

所買奴婢稟請查辦等語

臣

思

國家懷柔遠服備極

恩施重譯之人莫非臣僕若內地人民轉聽其遠攜役使殊於體制攸關應卽截留當派安慶府知

府汪恩同

臣

標守備李鳳輝迎赴前途查辦旋

據汪恩等稟稱初八日迎赴潛山縣境查出隨

行子女八名均非使臣所買閱對契紙其幼孩

黃添幅一名係通事翁日陞用錢一千七百文

所買幼女劉丫頭又名秀姐係通事跟役劉六

用錢一千所買又伴送夷使之雷州府王文

苑家人帶有幼孩宋東吉朱棟兒高連喜朱秋

兒四名遊擊文泰家人帶有幼孩鄭阿連一名署高廉道百順家人帶有幼孩徐來喜一名除朱棟兒鄭阿連未立身契其餘均係價買尙無別故內劉丫頭寄居銅山高連喜係掖縣人餘俱勝縣人據供實因覓食其父兄將伊出賣質之通事家丁供亦相同當飭護員妥速照料前進所有黃添幅等八名現已帶回聽候核辦至委員王文苑由舒城回伊原籍太平縣省親未入桐城地界等語臣查該幼孩等偶因覓食隨其父母轉徙地方官原難一一執途人而問至

殊改

護送委員職有官司豈得毫無聞見一任通事
家人等購買役使萬一夷使效尤成何事體自
應截留給屬不令攜往至王文苑因何潛回本
籍除飭太平縣查覆移咨廣東核辦並咨湖北
江西一體迎查外至截留之子女八名現飭汪
思守暫送留養局擇誠實穩婆妥爲存養一面移
查原籍親屬領給完聚以免流離再該使臣等
已於三月十二日出安徽境入湖北境接護合
併陳明謹會同督臣孫玉庭恭摺具

奏伏乞

皇上聖鑒謹

奏

道光三年三月十三日具

奏四月十四日奉到

硃批可見諸事留心查辦甚屬得體而此等妄行之
委員不可不示以懲諭另有諭旨欽此

恭報起程抽查鳳泗等屬春賑催辦塗工查閱
營伍日期摺子

奏爲恭報起程前赴鳳泗等屬抽查春賑催辦塗
工並查閱北路營伍順道察看額屬添兵情形
仰祈

聖鑒事竊

臣荷蒙

恩命擢任巡撫首以察吏安民整飭營伍爲要務查
安徽鳳泗等屬州縣上年被水較重仰蒙
聖主發帑賑濟復欽奉

恩旨俯念今春青黃不接將宿州鳳陽懷遠靈璧鳳

臺泗州五河等州縣成災七八分及勘不成災之天長盱眙等州縣各保集並鳳陽等衛屯坐饑軍

賞給一月口糧仰見

皇上惠愛黎元普錫春祺至意臣當卽飭司刊刻曉黃遍貼曉諭飭令該管道府督率各牧令實力查辦並擬於散放之際前赴抽查卽順道察看額屬阜陽地方應否添設弁兵附片奏

聞在案茲臣謹將本衙門事宜次第清理已到者逐一核辦未到者立限嚴催清查存庫兩案現亦

查明具

奏臣卽於本月十三日前赴鳳陽泗州等屬將春
賑戶口按冊抽查務使災黎均沾

渥澤其宿靈雨處挑河築埝爲禦黃要工窮民藉資
備趁卽可趕緊督催至臣職兼提督如潁亳壽

春宿泗等營尤關緊要自應順道校閱驗其勤

惰優劣嚴加訓練俾成勁旅並察看阜陽一帶
情形應否添設兵弁再與督臣籌議妥辦約計

週歷回省正屆秋審之期所有臣衙門一切日
行事件循例委署藩司惠顯代拆代行如有緊

要之事卽包封遞至途次隨到隨辦不致貽誤

除校閱查驗事竣再行核實

奏報外合將臣起程抽查春賑埝工及查閱營伍

日期恭摺奏

聞伏乞

皇上聖鑒再臣

臣

於四月回省辦理秋審後卽須趕辦

奏銷所有江南徽州等營伍容俟秋操時再行

前往查閱合併附陳謹

奏

道光三年三月十五日具

奏四月十七日奉到

硃批知道了欽此

恭謝

欽頒

御論摺子

奏爲恭謝

天恩事頃臣齊摺差弁回飭奉到

欽頒

御論二篇臣謹卽恭設香案叩頭祇領跪誦之下仰見我

皇上德孚誠正

道闡精微

本治己以治人

揭心法爲治法

教宏洙泗衍之爲十六字之真傳

盛協唐虞垂之卽千百王之令範蓋惟

聖不自聖而

聖學必極其精因之

心以印心而

心契愈昭其合

微臣

學慚蠡測識類管窺仰

敷極於

皇謨

訓行彌凜效颺言於

帝世贊頌難名所有 微臣感佩下忱理合繙摺恭謝
天恩伏祈

皇上聖鑒謹

奏

道光三年三月二十五日具

奏四月十七日奉到

硃批知道了欽此

保奏知縣拏獲鄰境積盜摺子

奏爲知縣拏獲鄰境積盜多名遵例專摺保

奏仰祈

聖鑒事竊照當塗縣知縣王正前署全椒縣任內詳報於道光元年五月初三日獲盜龍四唐燈籠王小二熊九孜胡山五名訊係行刦江蘇江浦縣事主田泳旺河南固始縣事主李文榮並舒城縣事主汪恒發各店案內正盜等情飭司提省委據懷寧縣等訊明田泳旺錢店被刦一案係龍四起意爲首熊九孜入室搜贓胡山唐燈

籠王小二接贓把風李文榮錢店被刦一案熊
九孜胡山係聽從現犯孔廣全糾邀上盜在外
把風汪恒發錢店被刦一案熊九孜係聽從逸
犯周老三糾邀上盜入室搜贓將龍四等均依
強盜得財律擬以斬決聲明龍四起意行刦熊
九孜搜贓把風三次胡山把風接贓二次係法
所難宥唐燈籠王小二接贓把風一次係情有
可原分詳解司勘轉經臣親訊分別恭疏具

題并咨部核覆在案茲據臬司惠顯以該縣王正
才具優長辦事勤慎前署全椒縣任內並無承

緝逃犯未獲之案今獲鄰境罪應斬決巨盜數
在三名以上核與送部引

見之例相符詳請具

奏前來臣查例載地方官拏獲鄰境刦掠巨盜准
該督撫專摺奏請送部引

見又拏獲罪應斬決盜犯數在三名以上准送部引
見各等語今當塗縣知縣王正前署全椒縣任內拏
獲鄰境罪應斬決之積盜龍四熊九孜胡山三
名罪應發遣之夥盜唐燈籠王小二二名洵屬
緝捕勤能該員本任內又無承緝逃盜未獲之

案核與專摺奏請送部引

見之例相符可否仰懇

皇上天恩准其送部引

見以示鼓勵之處出自

鴻施臣謹會同協辦大學士兩江總督臣孫玉庭遵
例恭摺具

奏伏乞

皇上聖鑒訓示遵行謹

奏

道光三年三月二十五日具

奏四月十七日奉到

硃批另有旨欽此同日奉到四月初九日內閣奉
上諭陶澍奏知縣拏獲鄰境積盜遵例保奏一摺安
徽當塗縣知縣王正於署全椒縣任內拏獲鄰境
積盜多名緝捕尙屬勤能准其送部引見以示鼓
勵欽此

附奏嚴緝匪徒摺片

再

臣

現因巡閱經過穎亳蒙宿等處察看閭閻

均屬安靜民情亦俱質實惟西北一帶緊鄰豫

省迤東接近徐淮交界處所多有匪徒出沒此

拏彼竄刻須防範前據阜陽縣拏獲河南省逸

犯王四卽王相如查係回民劉三軒挾嫌刺殺

縣丞王慶瀾案內從犯已解歸河南審辦現又

據蒙城縣報獲王懷正卽王四老虎強搶民婦

拒殺事主一案又謝幅慘殺引差緝匪之保正

李時一案又霍邱縣叢四陳全等挾葉連作線

提拏之嫌殺死伊家七命並殺捕役王爽一案
此數案皆因緝捕緊嚴逞兇報復情節尤爲可
惡經臣嚴飭勒緝已據該縣等緝獲兇犯俟臣

回省卽行從嚴辦理臣現又沿途訪得阜陽縣

匪徒李天罡趙四大王張保兒劉八兒輩三秦
照夏五國公張細狗亳州匪徒王甫懷遠縣匪
徒褚會明壽州匪徒程茂王天曉蒙城縣匪徒
王現王愷王騷崔四蔡五宿州匪徒楊大沅李
克盛陳大勝武炳文武中信卽武麟精郜三張
七李寃王周小二姐洪澤湖匪徒張建仁張建

禮卽張三丫頭均係兇惡匪徒有現據地方官

拏獲者有尙未緝獲者

臣

沿路密派員弁不動

聲色分路偵查得有踪跡卽知會文武無分畛

域立時掩捕並告以如果出力定當據實獎勵

總期有犯必獲以靖地方合將沿途密訪嚴緝

情形附片具

陳謹

奏

道光三年三月二十五日附

奏四月十七日奉到

同雲江先生奏疏六月

摺

三

硃批所辦甚好知道了欽此